

Valentinus. Si Mathematici: Pomponius Mela: Abrahamus Cacusius, Alphonsus Rex Castellæ, Henricus, Infans Portugalliæ, Henricus Marchio Villenenfis, Arnoldus Villanovanus, eiusque Discipulus Raimundus Lullius. Si Oratores: præter Senecam, Portius Latro & M. Fabius Quintilianus. Si denique Poetæ in medium producendi: sistent se Sextilius Hena, LL. Annæi Seneca & Lucanus Patruelles, M. Valerius Martialis, Rufus Festus Avienus, Aurelius Prudentius, Damasus Pontifex M. Iuvenius, Arator, Cælius Sedulius. Iuniores, ne tædium pariam, omitto. Hispanis natura calida est & sicca: color subobscurus, cui iuvando Fœminæ collyrio plurimū ex Cerussa Minioque utuntur: duriora & bene compacta membra. Magna morrales omnes superstitione superāt, ad ceremonias, adulationes, amplios titulos populis aliis duces. Animi concepta dexteritate singulari tacendo, simulando, dissimulandoque celare norunt. Graviter servant cum adfectata quadam severitate: quæ facit ut odium sustineat nationum omnium, gravissimum, quemadmodum ipse Mariana prædicat, arque individuum magnorum imperiorum adseclam. Mulieres non admodum fœcundæ paucos pariunt: priscas Romanas æmulantes, Vino plurimum abstinent: raro se conspiciendas præbent. Advenas inhumaniter excipiunt. Apud Exteros alter alterum colit, veneratur, laudat, extollit: Nobilitatem, plebeio etiam, si quo potest modo, concilians, Iustitiæ cultores maximi: Summis, Mediis, Imis æquale Ius administratur. Facit Magistratum industria, ut pauca, Imo nulla ibi sint Latrocinia. Plerorum manus puræ ab cædibus aliisque flagitiis. Nemini impune est, qui vel sacrosanctas Leges, vel quemcumque, etiam minimi loci, violare fuerit ausus. Inquieti magna semper molitur. Pulsis intestinis hostibus, profligatisque Saracenis, potentissimas Orbis Terrarum partes suis Regibus acquirere student. Vbi duo tresve convenerint, cujuscumque loci & conditionis, de Rep. gravissimis rebus disferunt, ad enervandas Hostium vires vias quærunt, Strategemata excogitant, mille Machinas fabricant, suisque Ducibus, siquid utiliter inventum, aperiunt. In castris famis, sitis, laborum patientissimi. In acie conflictuque major illis ars quam ferocitas. Levi corpore, levibusque armis induti Hostem facile sequuntur, facileque, quum opus, fuga sibi consulunt, nusquam non, nunquam non militaribus operam dantes Meditationibus. In conviviis domi quidem frugales, sobrii, paucisque contenti, foris ciborum, præsertim delicatiorum, appetentiores. Scitis & commodis utuntur vestibus nec male formatis. Hispania autem largâ manu consinalibus suis aliisque remotioribus populis infinita cum apud se nata, tum etiam aliunde advecta subministrat, Sericum, Lanæ, Pan-

Mores

Virtus

Mercimonia